

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Dashuria / *el-Mehabbeh* / المَحَبَّةُ

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Seksioni i Gjendjeve

Për sa i përket seksionit të gjendjeve, kjo ka dhjetë kaptina: dashuria, xhelozia mbrojtëse, malli, shqetësimi, etja, ekstaza, admirimi, shastisja, vetëtima dhe shija.

Allahu ﷻ tha:

"مَنْ يَرْتَدَّ مِنْكُمْ عَنْ دِينِهِ فَسَوْفَ يَأْتِي اللَّهَ بِقَوْمٍ يُحِبُّهُمْ وَيُحِبُّونَهُ"

"Kushdo prej jush që ia kthen shpinën fesë së tij – Allahu do të sjellë (në vend të tyrin) një popull që Ai do t'i dojë ata dhe ata do ta duan Atë." (el-Ma'ideh, 17)

Dashuria është ngjitja e zemrës (për të dashurin) e mbështetur në shtysën (*himmeh*) dhe në intimitetin prehës (*uns*)¹ edhe kur të të jepet, edhe kur të privohesh.² Ky është fillimi i luginave të *fana*-së (vetasgjësimit) dhe kalimi i pjerrët prej ku personi zbret në stacionet e shfarosjes.³ Ky është stacioni ose shkalla e fundit ku radhët e parë e të shumicës së besimtarëve takojnë radhët

¹ Shtysa e ndjekjes së të dashurit dhe intimiteti prehës me Të, kur Ai të pranon dhe ta kthen dashurinë.

² Kjo mund të nënkuptojë se ti gëzon të mirat e Allahut ose qëndron përballë vështirësive. Kjo po ashtu mund të nënkuptojë që, kur të japësh, të japësh për Të; kur të mos japësh, të mos japësh për Të.

³ Shumë Mjeshtër argumentojnë se qëndresa në shkallën ose stacionin e dashurisë është mënyra e pejgamberëve dhe e ndjekësve më të mëdhenj të shtegut të pastrimit shpirtëror, dhe është më e lartë sesa shfarosja, dehja, dhe të gjitha manifestimet e realitetet e vetasgjësimit.

e fundme të elitës së besimtarëve. Çfarë që është nën këtë, ka të bëjë me interes vetjak dhe kompensim (shpërblim). Dashuria është karakteristikë e grupit⁴, adresa e shtegut⁵ dhe kushti i përkatësisë.⁶ Kjo ka tri nivele.

Niveli i parë është një dashuri që u jep fund dyshimeve, ëmbëlson shërbimin (adhurimin), dhe lehtëson tragjeditë. Kjo është një dashuri që:

- Del nga të parët e hirit (të Allahut)
- Forcohet nëpërmjet ndjekjes së Sunetit
- Dhe lulëzon duke u përgjigjur me thyerje (të brendshme)

Niveli i dytë është një dashuri që të bën të parapëlqesh të Vërtetin para çdo gjëje tjetër, që e mban gjuhën në kujtim të vazhdueshëm të Tij dhe përqendron zemrën në të parët e Atij. Kjo është një dashuri që vjen si rezultat i:

- Reflektimit për cilësitë (e Allahut)
- Të parët e Shenjave⁷
- Dhe i ndjekjes së protokollit (etiketës) të shkallëve⁸

Niveli i tretë është një dashuri robëruese, që zhvlerëson shprehjet, përpunon gjestet (sjelljet)⁹, dhe s'mund të cilësohet. Ky nivel është themeli i kësaj dashurie; të gjitha dashuritë e tjera nën këtë nivel shprehen me gjuhë, pretendohen nga krijesat, dhe miratohen nga mendjet.¹⁰

⁴ Komuniteti i ndjekësve të shtegut të pastrimit shpirtëror.

⁵ Shtegu i dëlirjes.

⁶ Ndaj vëllazërisë së ndjekësve të shtegut të pastrimit shpirtëror.

⁷ Shenjat u referohen edhe ajeteve të Kuranit, edhe shenjave universale.

⁸ Sikurse në shkallët (stacionet) e këtij libri.

⁹ Asnjë e folme s'mund ta përshkruajë, ndërsa simbolizmi mund të përpunohet nëpërmjet saj.

¹⁰ Llojet e tjera të dashurisë nuk mbërrijnë këtu. Ato mund të jenë thjesht vetëm pohime, Edhe kur të kenë të vërteta në to, kufizohen në sferën e intelektit e cila dikton që personi t'i dojë ata që janë të mirë me të.